

詩

緒

餘

錄

詩緒餘錄卷八

大雅

大明

駟

毛傳駟馬白腹曰駟言上周下殷也

釋畜同

孔疏郭璞

云駟赤色黑鬣檀弓說三代乘馬各從正色而周不純赤以上周下殷故檀弓言戎事乘駟明非戎事不然因此武王所乘遂爲一代常法埤雅駟从縹省禮曰練而縹縹淺赤也一染謂之縹周人尙赤故戎事乘駟或曰方叔乘四騏何以不乘駟曰序詩者云宣王南征征者

蠻荆之事正之而已故言兵則非伐人之兵也言車則非戎事也言馬則非戎馬也。

鷹

釋鳥鷹鵙鳩郭注鵙當爲鵙字之誤左傳作鵙鳩是

也爾雅翼在北爲鷹在南爲鵙一云大爲鷹小爲鵙埤雅鷹鵙鳥也陶宏景曰虎聞聲而深伏鷹見形而高飛一名鵙鳩左傳爽鳩氏司寇也一歲曰黃鷹二歲曰鵙鷹鵙次赤也三歲曰鵙鷹頂有毛角微起今通謂之角鷹舊說凡鵙鳥雛生而有慧出殼之後卽於巢外取帶葉枝條插其巢畔防外墜且作陰涼也欲驗雛之大小以所插枝葉爲候若一二日其葉雖萎尙帶青色至六

七日其葉微黃十日後枯悴此時雛大可取禽經曰鷹不擊伏鶻不擊妊其義性如此裴氏新書曰虎豹無事行步若不勝軀鷹在眾鳥之間若睡寐然故積怒而後全剛生焉越之滅吳用此道也蔡邕月令云鷹化爲鳩鷹鳩屬也鳩凡五種應陽而變則喙柔仁而不驚夏小正中秋鳩化爲鷹變而之不仁故不記也續博物志云鷲鳥雄小雌大庶鳥雄大雌小徐氏鼎曰性勇猛頂有毛本草謂之角鷹今俗呼毛頭鷹

鷲

瓜瓞

毛傳瓞

音電

也正韻小瓜也鄭箋瓜之本實繼先

歲之瓜必小狀似瓠故謂之瓠韓詩瓠小瓜也孔疏瓜  
瓠瓜紹之瓠也瓜族類本有二種大者曰瓜小者曰瓠  
而瓜蔓近本之瓜必小於先歲之大瓜以其小如瓠故  
謂之瓠瓠瓠之別名言紹者繼先歲之瓜猶長子之繼  
父瓜實近本則小今驗信然后稷乃帝嚳之胄是嚳爲  
瓜而稷爲瓠自稷而下祖紺以前皆瓠也○曹氏曰不  
畝值夏后政衰棄稷不務失官奔戎狄之間三世至公  
劉公劉以前微弱甚矣故以瓜瓠况之釋草瓠瓠其紹  
瓠郭注俗呼瓠瓜爲瓠紹者瓜蔓緒亦著子但小如瓠  
埤雅瓜之繼本爲紹今驗近本之瓜常小末則復大故

曰其紹陟

堇茶

毛傳堇菜也釋文曰廣雅云堇薺

徒弔反

也今三輔

之言猶然釋草齧苦堇郭注今堇葵也葉似柳子如米  
泔食之滑邢疏唐本草注云此菜野生非人所種俗謂  
之堇菜葉似蓼花紫色者內則云堇薺枌榆是也本草  
云味甘此云苦者古人語倒猶甘草謂之大苦也說文  
堇根如薺葉如細柳食之甘詩緝內則堇薺枌榆注薺  
似堇而葉大又公食禮鉶苕皆有滑注滑堇薺之屬說  
文堇根如薺葉如細柳蒸食之甘是堇美菜也七月言  
食農夫以茶則茶非美菜也今所生堇茶皆甘如飴言

美惡皆宜也。孔氏謂堇卽烏頭，且引晉語驪姬寘堇於肉，爲證。蓋以此堇爲爾雅葑堇之堇。若然，則與鴆毒同類矣。毛氏以堇爲菜，不言毒物。徐氏鼎曰：晉語驪姬將譖申生，寘鴆於酒，寘堇於肉。賈逵云：堇，烏頭也。考本草冬采爲附子，春采爲烏頭，其性大熱有毒，不可食。國策所謂雖饑不食烏喙也。食且不可，何知如飴？先儒多指爲烏頭者，蓋因釋草又云：葑，堇草，故誤指此堇也。況詩意言堇荼苦菜，周原地肥，美得霜，甜脆皆甘如飴，非以毒物見地之良也。趙氏佑曰：傳堇菜也，荼苦菜也，均謂之菜，而堇不言苦，明其本甘，自當主內。則堇、荳、枌、榆之

堇必非烏頭毒物不可食者乃孔疏引內則又引爾雅  
及堇草及晉語置堇於肉當之二者皆集傳亦未察詩  
固謂周原地肥美堇之本甘與荼之苦者皆如飴嚴氏  
謂雨露所濡甘苦齊實而斷烏頭之非諒矣。

柞 鄭箋柞櫟也陸疏周秦人謂柞爲櫟詩緝柞櫟也卽  
唐鴛羽之栩王夫之詩經稗疏曰詩之言櫟者實今之  
柞言柞者實今之櫟紀氏昀以爲確有依據

械

鄭箋械白桺

音也釋木

郭注桺小木叢生有刺實如

耳璫紫赤可啖邢疏陸璣云三蒼說械卽柞也其材理  
全白無赤心者爲白桺直理易破可爲車輻又可爲矛



言承金  
戰矜今人謂之白楸或曰白栢二說不同未知孰是趙  
氏佑曰詩每柞楸並舉自當是二木而三蒼一之蓋柞  
是總名耳。

### 楸樸

楸樸

毛傳楸白楸也樸枹

音木也釋木

鄭箋白楸相樸

屬而生者孔疏考工記凡察車之道欲其樸屬而微至  
注樸屬附著堅固貌集傳樸叢生也言根枝迫迨相附  
著也標積也○賈誼容經曰君子重襲小人無由入正  
人十倍邪僻無由來詩云左右趨之此言左右日以善  
趨之也王厚齋云此卽選左右之說董仲舒曰文王受

天命以王天下先郊乃敢行事而興師伐崇奉璋寢寢  
二句郊詞也周王于邁二句伐詞也所謂文王受命有  
此武功既伐于崇作邑于豐也以此知文王受命則郊  
郊乃伐崇與鄭箋大意畧同蓋魯詩說也周公作此追  
崇功德以爲文王受天命由此始耳非謂文王自行帝  
制行郊乃伐崇也案竹書紀年太姒夢商庭生棘太子  
發植梓樹於闕間化爲松柏棫柞以告文王文王幣率  
羣臣與發並拜吉夢逸周書程寤解作文王去商在程  
旣生魄太姒夢寤驚以告文王帝王世紀作十年正月  
命祝以幣告於宗廟羣神然後占之於明堂及發並拜

吉夢遂作程寤以是知文王作人之盛已先於太姒之夢兆之矣。

旱麓

榛 名物解榛小木也人或伐之以爲藩則賤木人之所忽而不治今旱麓榛楮濟濟雖人所不治之材然猶潤澤蕃息蓋陰陽和調自然正氣無所暴故萌孽得以遂達而無夭折周至太王傳世已久德澤之加乎民非特若不治之榛楮能濟濟然盛也故舉其微小者則強大者可知矣舉其人力不治者則勤治者可知矣王夫之詩經稗疏曰榛楮之榛卽詩之所謂栲非榛栗之榛也

紀氏昀以爲確有依據

楷 陸疏楷其形似荆而赤莖似著上黨人織以爲牛筐箱器又屈以爲釵故上黨人調問婦人欲買赭否曰竈下自有黃土問買釵否曰山中自有楷曹氏曰楷可以爲箭圖經有青赤二種青者荆赤者楷嫩條皆可爲篋箇古者貧婦以荆爲釵卽此二木徐氏鼎曰古有著簪荆釵今吳人以黃楊木作簪卽古之遺意著簪見韓詩外傳趙氏佑曰榛楷小木難長得濟濟者箋云得山雲雨之潤澤也以興周家王業艱難由君子有豈弟之德得天厚云若國語單穆公曰夫旱麓之榛楷殖故君子

得以樂易干祿焉則又一義○又曰干祿之說自古所  
無獨見於大雅旱麓及假樂篇福祿非可干之物君子  
非以豈弟干祿也而干祿卽在豈弟子張學干祿蓋卽  
問詩干祿之義案此說新而確故史記作問論語作學者問卽  
是學夫子告以寡尤悔正與豈弟之旨相發明人君干  
天祿士干君祿其道一也

鳶 埤雅釋鳥鳶鳥醜其飛也翔高飛布翼不動曰翔鳶  
鷗之類摩風回翔曰翔曲禮云前有塵埃則載鳴鳶鳶  
鳴則將風故也禽經曰暮鳩鳴則小雨朝鳶鳴卽大風  
鳶鈍者也風作之則高飛故詩以况君子作人之盛昔

墨子作木鳶飛三日不集所謂班輸之雲梯墨翟之飛  
鳶也舊說觀魚翼而創櫓視鵠尾而製施鵠食殘之鳥  
善抄盜人餘詳四月

魚 鄭箋魚躍喻民喜得所蓋以鳶貪殘喻惡人遠去文  
選注引韓詩薛君曰魚喜樂則踴躍于淵中范氏家相  
謂以淵魚喻干祿之君子以戾天喻干祿之豈弟皆與  
中庸斷章意異集傳謂怡然自得而不知其所以然  
皇矣

菑 毛傳木立死曰菑音恣孔疏立死之木妨他木生長爲  
木之害故曰菑○文選注韓詩薛君曰菑反草也

翳

毛傳木自斃曰翳孔疏生木自倒枝葉覆地爲陰翳

故曰翳○文選注韓詩薛君曰殪殪韓因也因高填下

也王氏述聞曰毛鄭皆不解作字孔疏云攻作之集傳

云拔起也竊謂作當讀爲柞周頌載芟篇載芟載柞毛

傳除木曰柞周官柞氏掌草木及林麓是也內則魚曰

作之爾雅作斲之郭注謂削鱗也是作有斲削之義

灌

毛傳叢生也釋木木族生爲灌

桺

程子曰行生曰桺

音例又音列

詩緝釋木有桺桺郭注云

桺樹似榲桲而庫小子如細栗江東呼爲桺栗毛傳主之今不從陸疏桺桺葉如榆也木理堅韌而赤可爲車

輟徐氏鼎曰邢叔明引芝栢爲証然內則云芝栢蓋芝  
屬也庾蔚云無花葉而生者芝栢一作孺地生者爲菌  
則此非栢也所謂栢者今吳中呼爲芋栗顧宸引周祈  
名義考云杜詩園收芋栗未全貧卽橡栗乃櫟木子也  
莊子徐無鬼先生居山食芋栗王氏述聞曰下文櫟櫟  
栗栢方及木名舊翳灌栢則泛言木之形狀耳栢讀爲  
烈烈栢也斬而復生者也汝墳傳斬而復生曰肄爾雅烈栢餘也  
疏引詩序云宣王承厲王之烈方言曰烈栢餘也陳鄭  
之間曰栢晉衛之間曰烈秦晉之間曰肄或曰烈然則  
汝墳曰伐其條肄長發曰苞有三櫟櫟與栢同皇矣曰其灌



其樹義並同也

檉

毛傳

檉音河柳也

釋木

孔疏謂河傍赤莖小楊也陸

疏檉河柳爾雅翼檉葉細如絲婀娜可愛天將雨檉先

起氣以應之故一名雨師而字从聖詩疏廣要非獨知

雨又能負霜雪大寒不凋有異餘柳江淹檉頌木貴冬

榮檉實寒色衍義人謂之三春柳以其一年三秀也通

志大概松杉之類而意態似柳其材可卷爲盤榼

楮

毛傳

楮音也

釋木

孔疏孫炎云楮腫節可以作杖

陸疏楮節中腫似

釋文已訛似爲以今从趙本

扶老卽今靈壽是也

今人以爲馬鞭及杖宏農共北山甚有之趙氏佑曰扶

老本杖名漢書孔光傳賜靈壽杖顏師古注木似竹有枝節長不過八九尺圍三四寸自然合杖制不須削治令人延年益壽此言可爲似扶老註脚名物解春秋傳曰弱足者居据適可杖居者之所材也据又櫝也材適可杖木之貴也徐氏鼎曰本草一名扶老杖一名靈壽木葉圓而銳有華故山海經云靈壽實華

槩柘

毛傳槩山桑也

釋木同

孔疏槩桑柘

音蔗

屬材中爲弓

考工記云弓人取幹柘爲上槩桑次之禹貢青州厥篚槩絲注槩桑蠶絲中琴瑟絃說文山桑有點文者集傳槩山桑也與柘皆美材可爲弓幹又可蠶

栢

栢者栢山石也栢山石者栢山石也栢山石也

高平之地崔豹古今注曰桑實曰葑栢實曰佳言佳鳥  
性所食也考工記曰弓人取材栢爲上櫪次之櫪桑次  
之竹爲下蓋弓材莫良於櫪尤莫良於栢故攘剔先其  
櫪而後其栢投壺云矢以栢若棘是也蠶書曰栢葉飼  
蠶其絲作琴瑟弦清鳴響亮勝於凡絲遠矣徐氏鼎曰  
又堪染色本草云其木染黃赤色謂之栢黃天子服是  
也又季夏取桑栢之火見周書名物解曰櫪栗也叢謂  
之灌細謂之櫪二者非可以爲大用而有害於營室家  
則修之平之櫪河柳也櫪之材可以爲杖而已去之不

爲傷地利存之不爲利生物故啓之辟之則無害於爲  
室家者猶或存而不去也。槩山桑也其幹弓車之材也  
槩柘宜不去矣。猶或攘之剔之此以見周之興天下之  
民從之居曾居室之不容矣。

靈臺

鼉

毛傳鼉魚屬月令季夏命漁師取鼉陸疏鼉形似

下有水字  
釋文無

蜥蜴四足長丈餘生卵大如鷺卵甲如鎧甲

今合藥鼉甲是也其皮堅厚可以冒鼓晉安海物記鼉  
宵鳴如桴鼓本草圖經長一丈者能吐氣成霧致雨力  
猛能攻陷江岸性嗜睡但目閉聲甚可畏人於穴掘之

百人掘須百人牽一人掘須一人牽不然終不可出蔡  
元度名物解鼉从鼉腹大之形鼓腹大鳴之而遠聞故  
謂之鼉鼓埤雅鼉具十二少肉蛇肉最後在尾其枕瑩  
淨魚枕弗如也皮中冒鼓夏小正剥鼉以爲鼓是也京  
房易傳曰狔將風則踴。鼉欲雨則鳴。故里俗以狔識風  
鼉識雨鼉鼓非特有取於皮亦其鼓聲逢逢然象鼉之  
鳴故謂之鼉鼓今江淮之間謂鼉鳴爲鼉鼓亦謂之鼉  
更蓋其聲如鼓而又善夜鳴其數應更也今鼉象龍形  
一名鰐吳越謂之鰐更蓋初更一鳴而止二卽再鳴也  
舊云鼉性嗜睡目睛常閉能吐霧致雨力亦酋健善積

坎岸一曰獨鳴早鼉鳴夜雜說云鼉聞鼓聲則鳴續博物志曰鼉長一丈一名土龍鱗甲黑色能橫飛不能上騰其聲如鼓李氏曰上林賦云樹靈鼉之鼓則以鼉皮爲鼓可知矣徐氏鼎曰夏小正云剝鼉以爲鼓說者多謂取皮冒鼓范逸齋謂樂作而鼉鳴援後世伯牙鼓琴六馬仰秣爲證且以詩兩言鼓鐘不應復言鼓而謂以皮冒鼓爲非然虎可爲鞞鯨可爲鞞則鼉何不言冒鼓至謂不應復言鼓試以經解經那詩兩言鞞鼓又言奏鼓庸鼓古人立言質固不嫌複也

### 文王有聲

芭 詩緝芭嘉穀也姜氏炳璋曰生民曰維糜維芭芭白  
梁粟也與此同豐水之涯猶有嘉穀人材長養猶嘉穀  
然武王豈不論材而仕之毛傳芭草也今不從陳氏曰  
芭以喻人材案禮表記注引豐水有芭云枸櫞也則又  
是木類亦可備一說然究以嘉穀之說爲勝蓋周以嘉  
穀興也詳思文來牟

生民

達 鄭箋達羊子也后稷之在其母終人道十月而生生  
如達之生言易也孔疏說文云達小羊也薛綜荅韋昭  
曰羊子初生達小名羔未成羊羴大曰羊長幼之異名

人之產子先生者多難后稷姜嫄之子最先生者應難  
而今易大戴禮及春秋元命包皆云人十月而生周本  
紀云姜嫄踐巨人迹身動如孕者及碁而生子則終一  
年矣此言終月必終人之常月馬遷之言未可信也論  
者非之○魯詩司馬遷曰姜嫄爲帝嚳元姬出野見巨  
人跡心欣悅欲踐之踐之而心動如孕者居期而生子  
姜嫄以爲不祥棄之隘巷馬牛過者辟不踐徙置之林  
中適會山林多人遷而棄渠中之冰上飛鳥以其翼覆  
薦之姜嫄以爲神遂收養之劉向曰姜嫄行見巨人跡  
好而履之歸而有娠卜筮禋祀以求無子終生子以爲



不祥而棄之鄭箋帝上帝敏拇也介左右也夙之言肅也祀郊禘之時時則有大神之跡姜嫄履之足不能滿其拇指之處心體歆歆其左右如有人道感己者也遂有娠而肅戒不復御生子而養長名曰棄范氏家相曰鄭異義云詩魯齊韓春秋公羊說皆無父感天而生故與毛傳不同蓋鄭信緯書故不主毛傳也朱子亦遵鄭說而蘇老泉與鄭異餘見後元鳥

荏菹

毛傳荏菹戎也

釋草同

鄭箋荏菹大豆也郭注今胡

豆管子云北伐山戎山戎出冬葱及荏菹布之天下今胡豆是也穀梁傳本此

穀梁莊三十一年齊侯來獻戎捷傳云戎菹也本草踈

豆出西胡苗柔弱宛宛故名百谷中最先登者嫩時青色老則斑麻故有胡豆戎菽青斑麻累諸名遼志名回鶻豆鄉人呼豌豆爲淮豆又有野豌豆粒小名翹搖

瓜瓞

毛傳嘽嘽然多實也王氏述聞曰嘽嘽茂盛之貌

不必專訓多實說文珎讀若詩曰瓜瓞蓁蓁是嘽嘽本作蓁蓁絲絲瓜瓞瓜瓞蓁蓁皆不專指多實而言瓜瓞蓁蓁猶言麻麥嚶嚶耳毛傳嚶嚶然盛茂也說文蓁草盛也大雅卷阿篇蓁蓁萋萋毛傳梧桐盛也廣雅蓁蓁茂也是蓁蓁爲草木茂盛之通稱

黃茂

毛傳黃嘉穀也茂美也孔疏種之黃色者惟黍稷

耳黍稷穀之善者是民食之主故舉以爲言其實諸種之穀皆種之

秬秠

毛傳

秬音巨

黑黍也

秠一稂

音孚

二米也

釋草

孔疏

秠

穀皮也郭注秠亦黑黍但中米異耳秬是黑黍之中有二米者邢疏鄭志答張逸云秠卽皮秠亦皮也今不從李巡曰秬黑黍之大名黑黍之中一稂有二米者別名之爲秠邢疏秬有二等一米者亦可爲酒鬯人注言二米者以宗廟之祭惟裸爲重二米嘉異之物鬯酒宜用之

糜芑

毛傳

釋草

赤苗也

芑白苗也

釋草

郭注

麋今之

赤梁粟芑今之白梁粟皆嘉穀也

蕭

詩緝蕭香蒿也牛尾蒿也邢疏郊特牲言宗廟之祭

以香蒿合黍稷燒之以合其馨香之氣此言祭脂不言黍稷彼言黍稷不言祭脂文不具耳陸疏蕭荻今人所謂荻蒿者是也或云牛尾蒿似白蒿白葉莖粗科生多者數十莖可作燭有香氣故祭祀以脂焚之爲香許慎以爲艾蒿非也郊特牲云既奠然後焚蕭合馨香是也

〔案〕史榮云蕭荻荻蒿二荻字皆當爲荻焚蕭合馨香亦當依禮記作炳蕭合羶薌

羝

毛傳羝牡羊也軼道祭也孔疏祭不用牝埤雅羝性

好觶突故从抵省音从低者以低其角然後能觶突也  
博雅曰吳羊牡一歲曰牡牝三歲曰羝

### 行葦

行葦 邢疏葦初生爲葭此禁牛羊勿踐則是春夏時事  
而言葦者人之所用在於成葦此愛其爲人用故以成  
形名之趙氏佑曰草木之微尙知愛惜況在於人正此  
一意也然草木多矣何獨取葦蓋葦族生有族屬之意  
行葦則在道路間尙禁傷折又以見途人皆吾與況戚  
戚兄弟乎此於興意似加切餘解見七月

### 鳧鷖

鳧

毛傳鳧水鳥也姜氏炳璋曰鳧水鴨也釋鳥鴈音沈

鳧郭注似鴨而小長尾背上有文今江東亦呼爲鴈陸疏大小如鴨青色卑脚短喙水鳥之謹愿者也埤雅莊子云鳧脰雖短續之則憂鶴脰雖長斷之則悲雞鳴詩曰弋鳧與鴈蓋鳧鴈常以晨飛賦云晨鳧旦至是也楚辭宜昂昂若千里之駒乎將汜汜若水中之鳧乎蓋沈鳧善沒而又容與與波上下故昔人之散人慕焉弱弓微矢乘風振之曰弋故楚人好以弱弓微矢加之歸鴈之上

鷺

毛傳鷺屬倉頡解詁云鷺鷥也一名水鴨形色似

白鴿而羣飛禽經鷗信鳥也信不知用注云潮至則翔水響以爲信反爲鷺鳥所擊是知信而不知所以自害也。埤雅鷺鳧屬蒼黑色鳧好沒鷺好浮故鷺一名漚列子云漚鳥之至者百往而不止今字从鳥後人加之也鳧鷺安樂於水故詩以爲神祇祖考之譬周官王后安車鷺總以此風土記曰鷺鷺鰓也以名自呼大如小雞生於荷葉之上詩緝太平則取之以時不妄大殺故萬物衆多徐氏鼎曰鷺言其浮也鷺言其聲也趙氏佑曰燕尸只一事一意而分五章者蓋長言詠歎以極其祝頌之情如箋則強派矣其興以鳧鷺尤難曲解當闕之

傳太平則萬物衆多語太廓毛西河續詩傳鳥名卷載  
何楷世本古義謂逸周書有鳧旌男子所執周禮有鷩  
總王后所用故以之興考妣更拉扯毛氏取之陋矣

卷阿

鳳皇

釋鳥鷩鳳其雌皇郭注瑞應鳥毛傳鳳皇靈鳥仁

瑞也鷩衆多也說文鳳飛羣鳥從以萬數神鳥也爲  
火之精生丹穴一名鷩陸疏雄曰鳳雌曰皇其雛爲鷩  
鷩或曰鳳皇一名鷩非梧桐不棲非竹實不食非醴泉  
不飲四字陶本無埤雅鳳神鳥也俗呼鳥王大戴禮云  
羽蟲三百六十鳳爲之長蛇頸魚尾鸛頰鴛腮龍文龜



背燕頤雞喙五色備舉出於東方君子之國翱翔四海之外過崑崙飲砥柱濯羽弱水莫宿風穴見卽天下大安宜於文凡鳥爲鳳鳳總衆鳥者也蓋四靈唯鳳能鳩其類故鳳古作朋字古文作鳳王氏安石曰鳳鳥有文河圖有畫非人爲也荀子引逸詩云鳳皇秋秋其翼若干其聲若蕭舊說不啄生蟲不折生草不羣居不旅行不罹羅網師曠禽經曰乾臯斷舌則坐歌孔雀拍尾則立舞人勝之也鸞入夜而歌鳳入朝而舞天勝之也又龍乘雲鳳乘風故謂之鸞鸞偃也亦鳥偃服焉

梧桐

孔疏梧桐可以爲琴瑟是柔靱之木釋木云櫟梧

郭注今梧桐釋草又云榮桐木郭注卽梧桐然則梧桐一木耳詩緝梧桐青桐也埤雅梧一名櫬卽梧桐也今人以其皮青號曰青桐華淨妍雅極可愛故多近齋閣種之徐氏鼎曰花細墮地枝頭出絲筴長三寸許五片合成老則裂開如箕謂之棗鄂其子謂桐乳綴棗鄂上飛鳥喜巢其樹莊子所謂桐乳致巢也樹性高潔異於羣木故舊說鳳凰非梧桐不棲餘詳定之方中○朱氏善曰鳳凰者賢才之喻高岡者朝廷之喻梧桐者賢君之喻朝陽者明時之喻徐氏鳳彩曰以梧桐生之盛而後鳳鳴之和興下章聖君有待賢之禮而後賢才有效

用之思

板

芻蕘 毛傳芻蕘薪采者孔疏芻者飼馬牛之草。蕘者供  
燃火之草。

蕘

蜩 毛傳蜩蟬也諸蟬之總名陸疏鳴蜩蟬也宋衛謂之

蜩陳鄭云蜩海岱之間謂之蟬蟬通語也趙氏佑曰陸  
雲寒蟬賦云頭上有綏則其文也含氣飲露則其清也  
黍稷不享則其廉也處不巢居則其儉也應侯守常則  
其信也加以冠冕則其容也似本此疏而言或疑其文

不類豈後人因雲賦而竄入者歟

蟬

毛傳蟬蟬也陸疏蟬蟬之大而黑色者有五德文清

廉儉信一名蜋蚷一名蜋螭青徐謂之蜋螭楚人謂之

蜋蚷秦燕謂之蜋蚷或名之蜋蚷

一名蚷螭以下詩爾雅疏闕引今从釋文

埤雅蟬一名蜋其首方廣有冠夏小正曰蜋蟬者五采

具蟬蜋者蜋是也俗呼胡蟬似蟬而小鳴聲清亮江南

謂之蟬蜋鄒陽柳賦以爲蜋蟬厲響蜘蛛吐絲蓋蟬得

美蔭則其鳴聲尤清厲方言曰楚謂之蜋宋衛之間謂

之蟬蜋陳鄭之間謂之蜋蜋案詩云如蜋如蟬則蜋蟬

實非一物蓋蜋亦蟬之一種形大而黑禮有雀鷄蜋范

言糸食金 卷八  
是也一名蟬爲其變蛻而禪故曰蟬蟬舍卑穢趨高潔  
其禪足道也舊說朽木化爲蟬壞裙化爲蝶腐菌化爲  
蜂又曰蠶二十日而化蟬三十日而化

### 桑柔

荼毒 趙氏佑曰荼苦者菜也荼毒者藥也荼毒卽以薺  
荼蓼之荼南方用以毒溪取魚卽所謂荼毒也集傳旣  
以荼毒解荼蓼此乃以荼苦解荼毒適見其誤荼苦可  
食之菜乃月令之苦菜秀幽風之采荼大雅如飴之萑  
荼皆爲可食豈有毒能殺物而人食之者乎孔疏以荼  
與毒區爲二云荼苦菜毒螫蟲集傳始專言荼是也然

荼毒之荼亦非卽荼苦之荼

韓奕

藪

毛傳藪菜殺也釋器菜謂之藪邢疏荀可爲菜殺孔

疏藪者菜茹之總名對肉殺故云菜殺謂爲菹也

荀

鄭箋荀竹萌也

釋草同

天官醢人荀菹魚醢孔疏醢人

加豆之實有深蒲筍菹是菹有筍有蒲也注云深蒲蒲始生水中取其中心入地蕒大如匕柄正白生噉之甘脆煮而以苦酒浸之如食筍法陸疏荀竹萌也皆四月生唯巴竹荀八月九月生始出地長數寸鬻以苦酒豉汁浸之可以就酒及食

熊 陸疏熊能攀緣上高樹見人則顛倒自投地而下冬  
多穴地而蟄始春而出脂謂之熊白

貓 毛傳貓似虎淺毛者也釋獸虎竊毛謂之號貓埤雅  
鼠善害苗而貓能捕鼠去苗之害故貓字从苗舊傳貓  
旦暮日晴皆圓及午卽從斂如線其鼻端常冷唯夏至  
一日暖蓋貓陰類也故應陰氣如此俗云薄荷醉貓死  
貓引竹此自然相感者也貓亦如虎畫地卜食俗謂之  
卜鼠徐氏鼎曰貓狸身虎面柔毛利齒其睛可定時子  
午卯酉如一綫寅申巳亥如滿月辰戌丑未如棗核孕  
兩月而生子

貌

釋獸貌白狐其子穀郭注一名執夷虎豹之屬徐氏

鼎曰猛獸也故兵車旌畫貌貅形象威猛使眾知警曲

禮前有摯獸則載貌貅孔疏貌皮之上言獻則豹羆亦

獻之貌言皮則豹羆亦獻皮也陸疏貌似虎或曰似熊

一名執夷一名白狐其子爲穀詩爾雅疏闕此遼東謂

之白羆

赤豹 屈平山鬼篇乘赤豹今從文狸陸疏毛赤而文黑

謂之赤豹毛白而文黑謂之白豹列子程生馬埤雅豹

一名程古詩云餓狼食不足饑豹食有餘言狼貪豹廉

有所程度而食故其字从勺徐氏鼎曰詩有赤豹山海



經幽都之山有元豹爾雅有白豹洞冥記有青豹本草  
云文如錢者名金錢豹如艾葉者名艾葉豹豹性暴諺  
云豹跳如雷其性愛毛列女傳云南山有豹霧雨七日  
不下食欲澤其衣毛而成文采是也故語云豹死留皮  
人死留名

黃羆

陸疏羆大於熊有黃羆赤羆其脂如熊白而粗理

不如熊白美

爾雅疏引此段  
爲赤豹黃羆注

詩緝禹貢梁州貢熊羆狐

狸是中國之常貢此則北夷自以所有而獻所謂各以  
貴寶也

瞻印

梟

說文梟不孝鳥也梟食母獍食父釋鳥梟鴟郭注土  
梟埤雅梟食母故日至捕磔之字从鳥頭在木上黃帝  
欲絕其類使百司用之故後世於歲始祓除凶災取以  
解祠黃帝漢使東郡送梟五月五日作羹以賜百官舊  
說梟性食母始飛聽聲考詳篇云鶴聲宜學仙雉聲宜  
習武烏聲宜習醫雁聲宜習卜筮鵲聲宜習工巧梟聲  
宜習符咒傳曰甌瓦可以令梟寂又曰梟避星名孔疏  
鴟一名梟一名鴟趙氏佑曰鴟梟自是一物今俗所謂  
貓頭鷹卽古之鴟鳥首似貓翼尾似鷹目晝昏夜明故  
捕之常以晝其鳴常以夜哺子旣長母老不能取食以

應子求則挂身樹上子爭啖之飛去其頭懸著枝故字  
從木上鳥而梟首之象取之卽鴟鴞亦二鳥皆凶貪善  
擊周公連類而重呼之以致丁宜毛氏奇齡曰舊說每  
以梟鴟鴞三物相混而注者亦未分明鴟卽是鴟鴞不  
是梟梟與鴟自是兩物不得錯認案諸家訓說互相出  
入竊謂梟鴟原是二鳥字異聲同是以古人往往通用  
漢郊祀志五月五日作梟羹以賜百官而邢昺引陸璣  
鴟大如斑鳩其肉可爲羹臠一條在贍卽爲梟疏是梟  
鴟一物也謂一名鴟者以豳風之鴟鴞卽陳墓門萃梅  
及魯泮水之鴟鴞與鴟皆惡物故得連言鴟爾雅梟鴟

郭注土梟卽此又爾雅鴟鴞鴟鴞郭注鴟類言類則非  
以爲鴟也亦非謂鴟鴞爲二物鴟鴞卽戰雀似黃雀而  
小鴟鴞國人或謂之鴟鴞耳非謂卽鴟鴞也爾雅未晰  
故混朱子謂鴟鴞似鴟鴞改之始正鴟類非一然梟鴞  
通用自漢已然似不必拘分爲二物若鴞之非鴟解見  
陳墓門

鴟

倉頡解詁鴟鴞也毛氏奇齡曰鴟似鷹而小尾如舟  
舵善高翔陸佃云古人觀魚翼創櫓視鴟尾制舵每呼  
嘯能致雨并聚衆鳥故禽經曰鴟以貪顧以愁嘯其嘯  
聲每以丁字始而連作倏倏聲以終之亦惡鳥也但梟

與鴟本一類同惡故連言之然實是二物唐光啓二年  
慈州梟與鴟鬪相殺則其爲二物明甚趙氏佑曰孔穎  
以鴟梟爲一賈公彥以鴟鴞爲二但夜鳴聲惡相似耳  
陸佃則鴟與鵂并而與梟分條宋儒紛紛致辨異同各  
出詩云爲梟爲鴟明是二物爾雅鴟鴞鵂鵒是正釋鴟  
狂茅鴟怪鴟梟鴟是正釋鴟因梟亦一名梟鴟故混耳  
竊以鴟梟自是一物今之貓頭鷹是也梟鴟自是二物  
後人因爾雅而混耳案梟鴟音義同故古每通用而鴟  
類不一爾雅鴟鴞鵂鵒郭注云鴟類而已非謂卽鴟也  
蓋實鴟而得鴟名者也又梟鴟郭注云土梟亦梟而得

鴟名者也。如五鳩名鳩。九扈名扈。故郭云鴟類明其非。鴟也。竊謂鴟鴞卽墓門萃梅及泮水食桑黷之鴟。爲梟。乃食母之土梟。爾雅所謂梟鴟是也。似是二物而皆統名曰鴟。若鴟則旱麓及四月之鳶。倉頡解詁以爲鳶卽鴟是也。至梟與鴟不同。則確不可易。

### 召旻

棲苴 毛傳苴水中浮草也。鄭箋如樹上之棲苴。孔疏苴草之枯槁。逐水流者。棲爲浮義。謂棲息於水上也。鄭以棲者居在木上之名。謂水上爲棲理亦不愜。故以爲如樹上之棲苴。然朱芹詩經札記云。北人置菜於樹以受

風日蓋欲乾之而不與其遽乾其名爲棲苴此槎上老人言也然則從鄭箋其說較長又楚辭悲回風草苴比而不芳注草枯曰苴又劉跂暇日記北人樹上晒乾菜冬春食之詩所謂棲苴如烏棲然槎上老人本此

疏粳

鄭箋疏麤也謂糲米也正韻粳精米也孔疏米之

率糲十粳九鑿八侍御七其術在九章粟米之法彼云粟率五十糲米三十粳二十七鑿二十四御二十一言粟五升爲糲米三升以下則米漸細故數益少四種之米皆以三約之得此數也言此明糲麤於粳故爲疏也說文糲米一斛舂八斗爲粳音舂舂九斗爲粳風土記精

析米十取七八朱子論語注謂精爲鑿鑿與鑿同正韻  
謂脾爲精是精九而鑿八此爲小異要皆米之善者耳  
周頌

思文

來牟 毛傳牟麥也鄭箋武王渡孟津白魚躍入於舟出  
涖以燎後五日火流爲烏五至以穀俱來木僞秦誓孔疏孟  
子云麴麥播種而耰之趙岐注云大麥也周自后稷以  
來得穀瑞者唯彼云以穀俱來此言來牟彼此交相證  
明其事同也劉向封事引貽我釐麴韓詩作貽我嘉麥  
廣雅來小麥也牟大麥也釋文牟字書作麴或作麥○



文選注韓詩薛君曰大麥也范氏家相云廣雅麩小麥  
麩大麥經言來牟當兼二麥但韓詩來牟本作嘉麥似  
止大麥也

噫嘻

穀 楊泉物理論稻者漑種之總名粱者黍稷之總名菽  
者眾豆之總名三穀各二十種爲六十蔬果之實助穀  
各二十凡爲百穀故詩曰播厥百穀繼序謂國語云百  
穀百蔬又何解爾雅翼穀之種類每物不下十數亦何  
假蔬果而後爲百耶

振鷺

鷺

毛傳鷺白鳥也振振羣飛貌釋鳥鷺春鉏郭注白鷺也頭翅背上皆有長翰毛陸疏水鳥也好而潔白謂之白鳥青脚長高尺七八寸短尾喙長頭上有長毛十數莖好取魚食名物解作詩者以其潔白不可汚喻君子之德以常有振舉之意喻君子之威儀埤雅鷺頭上有絲毵毵然長尺餘欲取魚則弭之禽經曰鷺啄則絲偃鷹捕則角弭藏殺機也青脚喜翹高七八寸善蹙捕魚又其翔集必舞而後下故詩以況二王之後之容楚威王時有朱鷺合沓飛翔而來舞復有赤者舊鼓吹朱鷺曲是也今鷺集每至水面數尺必低回少盤其勢與飛

時徑起特異蓋其天性舞而後下不特朱鷺然也禽經  
曰山禽之味多短水禽之味多長山禽之尾多修水禽  
之尾多促山禽鵲類是也水禽鷺類是也又曰鷺好霜  
鷺惡露字从露省雖馴擾者每至白露降則飛揚而去  
不可復畜矣陰陽自然變化論曰鷺目成而受胎鵲影  
接而懷卵鴛鴦交頸野鵲傳枝鷺白鳥也淮南子曰的  
的者獲提提者射故詩正言白鳥翯翯以美文王之德  
徐氏鼎曰鷺飛則霜鷺飛則露故名步於淺水好自低  
昂狀似春似鋤故一名春鋤又常有振舉之意且甚潔  
白故詩以況二王後又有朱鷺不吞鯉一名帶絲禽趙

氏佑曰振鷺一名振羽見禮記注又云詩考載韓詩薛君章句曰西雍文王之雍也言文王之時辟雍學士皆潔白之人也亦見後漢書注蓋不以我客爲二王後稱今安溪本之以詩爲釋莫於太學之詩范氏家相曰毛以雍爲澤鷺是水鳥之在澤者無取於西之義如以鷺興辟雍學士之潔白則非二王之後來助祭之詩矣姑存其說可耳

**案**文王辟廱在郊故曰于彼西雝武王辟廱在國故曰鎬京辟雍此說自不可廢

### 豐年

稌 毛傳稌稻也孔疏郭璞云今沛國呼稻爲稌李氏曰

天官食醫牛宜稌鄭司農注云秔也雍冀高燥其穀宜黍荆揚下溼其穀宜稌今黍稌無所不熟故曰豐年毛傳數萬至萬曰億數億至億曰秭○釋文韓詩陳穀曰秭案秭字承上萬億字而及之自當依毛傳作數解但以爲萬億及於陳穀說亦未可厚非黍見黍離及鵠羽潛

潛 毛傳潛慘也釋器慘謂之泔郭注今之作慘者聚積柴木於水中魚寒得入其裏藏隱因以薄圍捕取之孫炎云積柴養魚曰慘小爾雅云魚之所息謂之潛潛慘也積柴水中魚舍也慘稌潛泔古今字釋文韓詩云泔

魚池小雅作潛時砧反案或以爲取魚具。或以爲養魚舍。要之養之亦所以取之意。本一貫。集傳亦從毛說。然則小雅潛雖伏矣之潛亦當同此解。○王氏安石曰。潛有多魚言取之深也。今不從。

鯪

鄭箋鯪白鯪也。釋魚黑鮪郭注卽白鯪。江東呼爲鮪。

音邢

疏詩頌鯪鰭鯪之鯪是也。埤雅鯪形狹而長若

條然故曰鯪。今江淮之間謂之鯪。

音鯪

魚性浮似鰭而白

爾雅翼纖長而白故曰白鯪。又謂白鯪好游水上故莊

子稱鯪魚出游從容以爲魚樂。本草生江湖中長數寸

形狹而扁狀如柳葉鱗細而整潔白可愛好羣游一名

白鯪一名鯪魚今吳中呼爲鯪鯪魚范氏處義曰鯪鯪之大鯪鯪之長鯪之形偃鯪之形俯舉其類之多皆用以薦享

小豸

莽蜂

毛傳

莽蜂摩

尺制反

曳也

孔疏

釋訓

云作

粵

筆又作

掣古今字孫炎云謂相摩曳入於惡也姜氏炳璋曰莽字卽有掣曳之義說文云蜂飛蟲之螫人者王氏曰莽使也曹氏曰成王謂己之遇辛螫豈有使蜂螫之者哉實自求之也○埤雅蜂有兩衙應潮誅罰徵令絕嚴有君臣之義化書曰其毒在尾垂顙如蜂故曰蜂傳曰蜂

萬垂芒是也採取百芳釀蜜其房如脾今謂之蜜脾其  
王所居疊積如臺語曰蜂臺蟻樓言蜂居如臺蟻居如  
樓也一名蠟蜂天下之味莫甘於蜜莫淡如蠟蓋厚於  
此者必薄於彼西方書曰味如嚼蠟舊說蜂化蜜必取  
匭猪之水注之蠟房而後蜜成方言曰其大者謂之壺  
蜂卽今黑蜂蓋亦釀蜜楚辭所謂赤蟻若象元蜂若壺  
者也又一種黃蜂無蜜纖長其窠仰綴於屋銜漆以固  
其蒂陰陽在尾喜合末端有岐者牝銳者牡也爾雅曰  
蠶醜蜚蜚垂腴也一名萬蓋蜂類眾多動以萬計舊說  
數人以千數物以萬莊子所謂號物之數謂之萬也抱



朴子曰雞有專棲之雄雉有擅澤之驕蟻有兼弱之智蜂有攻寡之計自然論曰蜂無王而盡死東晉發蒙記曰蠅生積灰蜂出蜘蛛

桃蟲 毛傳桃蟲鷦也鳥之始小而終大者釋鳥桃蟲鷦

其雌鷦郭注鷦鷯桃雀也俗名爲巧婦小鳥而生鷽鷽者也廣雅鷽鷽鷽鷽言始小終大陸疏今鷽鷽是也微小於黃雀其雛化而爲鷽故俗云鷽鷽生鷽埤雅說苑云鷽鷽巢於葦苕繫之以髮鷽性拙鷽性巧故鷽俗呼巧婦一名工爵一名女匠其喙尖利如錐取茅秀爲巢巢至精密以麻紩之如刺鞞然故一名鞞雀其化輒爲

鵲鵲呂氏讀詩記一說猶言初爲鼠後爲虎不必謂桃  
蟲化爲鵲徐氏鼎曰張茂先鵲鵲賦云小鳥也巢林不  
過一枝每食不過數粒有以桃蟲卽指爲鵲鵲者是因  
鵲鵲亦有鵲鵲之名又二詩皆指管蔡故混爲一耳其  
實大小各不相類云拚飛維鳥者言其始小終大非小  
卽大也○毛氏奇齡曰桃蟲猶竊脂之名桑扈原不因  
木而名又云所棲所食俱不在桃以喙銳如錐專剖葦  
中蟲食之謂之掏蟲掏桃字通案以爲掏蟲似亦可備  
一說而未免無據趙氏佑曰樹上小青蟲食葉久之俄  
翼而飛此化生所多有不必桃蟲也偶舉言之耳詩解

依傳以鷦鷯始小終大爲說雖據爾雅

孔疏引郭注鷽鷽小鳥而生鷽

鷽陸疏其雛化而爲鷽

然鷽鷽本鳥非蟲說苑云巢於葦苕非桃

經文明分蟲鳥必是非鳥而爲鳥未應以小鳥稱蟲大鳥始稱鳥皆有可疑詩是言物情變幻無常不可忽易

蜂蟲兩喻乃勿近小人勿輕小物之意爾雅桃蟲鷽其

雌鷽恐亦言桃蟲之所爲鳥乃鷽也諸家拘於釋鳥常

例遂以鷽爲桃蟲本名

**案**

照此則當讀作桃蟲所化之

鷽其雌鷽也亦可備一說以常例論自當作桃蟲卽鷽

然讀書當變通如釋鳥佳其鷽鷽鄭夾深謂其者指之

之詞趙氏從之以爲佳其非斷句讀爾雅者多誤正如

日知錄謂訓說文者以參爲商星。不合天文。亦與此類。可知讀書不宜泥古也。

蓼

毛傳集于蓼言辛苦也。錢氏曰蓼味辛而苦。埤雅離騷曰蓼蟲不能從葵藿則葵藿甘而蓼苦故也。吳越春秋曰越王念復吳怨卧則切之以蓼冬則抱冰夏則附火言其刻志如此。

載芟

椒

毛傳椒猶餽也。餽芬芳也。曹氏曰椒及餽皆酒醴芬芳之氣。孔疏椒木名非香氣也。但椒木氣香作者以椒言香故傳辨之。詩故曰椒之氣烈故古者謂椒酒取其

香且烈也。楚辭：奠桂酒兮椒漿。趙氏佑曰：有餽其香食之香也。有椒其馨，酒之香也。皆釋文集傳闕採餘解見椒聊。

良耜

黍 詩緝：鄭箋：豐年雖賤者猶食黍。孔疏：少年特牲云：大夫士之祭，禮食有黍。明黍是貴也。玉藻云：子卯稷食菜羹，爲忌日，貶而用稷，是爲賤也。賤者當食稷耳。

茶 釋草：荼，委葉。郭注：詩云：以葍荼蓼。邢疏：穢草也。王肅說：詩云：茶陸穢草。然則荼者，原田蕪穢之草，非苦菜也。葍，耘除也。今詩本葍作薺，音義同。朱子曰：先儒說茶，但

云苦菜莫詳其爲何物觀此詩則蓼屬也但水陸之別耳味苦氣辛能殺物今人用以藥溪取魚故又曰荼毒今南方人猶謂之辣茶亦一驗也

蓼

毛傳蓼水草也孔疏王肅曰荼陸穢蓼水穢由田有

原有隰故並舉水陸穢草三荼考見邶谷風釋草蓄虞蓼邢疏卽蓼之生水澤者也埤雅詩以薺荼蓼荼陸草也蓼水草也薺則高下無所不治且因暑雨化之以醱其田故朽而黍稷茂也古今注荼蓼紫色者荼也青色者蓼也。

蓼

毛傳黃牛黑脣曰蓼社稷之牛角尺孔疏地官牧

人云凡陰祀用黝牲注陰祀祭地北郊及社稷也然則社稷當用黝牛今用黃者蓋正禮用黝至於報功以社是土神故用黃色仍用黑唇也釋文犛作犛曰本亦作犛趙氏佑曰有抹其角傳社稷之牛角尺語異王制據王制祭天地之牛角繭栗宗廟之牛角握賓客之牛角尺三句俱以祭字貫下由此傳證之足悟賓客二字當作社稷乃記錄之誤注家未及審訂耳案此條以詩傳證王制之訛可以爲讀書之法

絲衣

羊牛 毛傳自羊徂牛先小後大也鄭箋載猶戴也弁爵

弁也。爵弁而祭於王士服也。釋禮輕使士升門堂視壺濯及豆籩之屬降往於基告濯具又視牲從羊之牛反告充已乃舉鼎幕告絜禮之次也。鼎圓鼻上謂之鼐魯頌

駟

牡馬 毛傳駟駟良馬腹幹肥張也。孔疏幹謂馬脅陸疏

牡馬驚也

詩釋文引草木疏文今从趙本補

趙氏佑曰爾雅馬屬牡曰

騊牼曰騊釋文騊之逸反而於駟篇首牡馬引草木疏云云說文同三百篇之馬非一。駟爲尤盛。疏語獨見此三字則闕遺者多矣。又曰牡馬孔疏本作牧馬今作牡



者從釋文本詩書陸孔二本所據互異此類不勝指今  
之詩書有從陸而違孔者有從孔而違陸者不知何時  
所定其皆出自開元詔定五經文字之本與聊揭其例  
於此

驕

毛傳

驕馬白跨曰驕

釋畜同

孔疏驕黑色跨髀間所跨

據之處郭注驕黑色跨髀間名物解白黑母也以白下  
黑爲從其子述而不作跨志在隨者也

皇

毛傳

黃白曰皇

釋畜說文皆作驤

驪

毛傳

純黑曰驪說文馬深黑色也檀弓夏后氏尙黑

戎事乘驪月令冬駕鐵驪郭注穆天子傳曰天子之駿

盜驪綠耳又曰右服盜驪盜驪千里馬細頸驪黑色也  
邢疏右服盜驪者彼云癸酉天子命八駿之乘右服盜  
驪而左綠耳天子主車造父爲御是也徐鍇曰據爾雅  
小領盜驪臣以爲盜驪淺黑名物解馬火畜也麗乎黑  
也

黃

毛傳黃驂曰黃孔疏驪黃爾雅無文謂黃而微赤驂

赤色也黃驂謂黃而雜赤者○孔疏此章言良馬良馬  
用之朝祀故云彭彭有力有容埤雅黃亦馬之上色也  
故駟頌首章曰有驪有黃列子云牝而黃牡而驪馬至  
果天下之馬也有駟曰乘黃乃言乘牡卒言青驪之駟

則黃牝驪牡剛柔之質具矣明堂位曰周人黃馬蕃鬣言吉事乘此車攻詩四黃既駕兩驂不猗是也

騅

毛傳蒼白雜毛曰騅

釋畜同

邢疏蒼淺青也毛有淺青

及白兼雜毛者名騅徐本說文蒼黑襍毛徐鍇曰蘆騅色埤雅騅亦騅類取騅之色一曰蒼白雜毛騅一曰蒼黑雜毛騅今騅色在青黑之間亦在青白之間詩曰毳衣如綌傳曰綌騅也然則色在青白之間

騅

毛傳黃白雜毛曰騅

釋畜同

孔疏騅騅皆云雜色是體

有二種之色相間雜上云黃白曰皇黃騅曰黃止一毛色之中自有淺深與此二色者異故不云雜色也郭注

今之桃華馬。徐本說文云黃馬白毛。唐本云黃馬白雜毛。名物解。黃白雜色也。靜而中者黃之道。動而變者王之事。雜故變。變故大。王者大也。不一而大爲丕。駉有雜意。

駉 毛傳赤黃曰駉。孔疏駉爲純赤色。言赤黃者謂赤而微黃。其色鮮明者也。六書故馬赤色也。周官凡陽祀用駉。牲記曰周人尙赤。牲用駉。

騏 毛傳蒼騏曰騏。孔疏騏。爾雅無文。騏者黑色之名。蒼騏曰騏。謂青而微黑。今之驄馬也。項命曰四人騏弁。注云青黑曰騏。引詩云我馬維騏。是騏爲青黑色。說文。

騏馬青驪文如博棋也徐鍇曰博棋子也相如賦曰射  
遊騏六書故騏馬綦色也綦蒼艾色也埤雅詩曰其弁  
伊騏弁皮弁也司服曰凡兵事韋弁服眡朝則皮弁服  
皮弁以鹿皮爲之故曰皮弁一名騏弁其色象騏故也  
亦或謂之綦弁詩曰騏驪是中騏驪是驂蓋騏驪中騏  
騏驪上騏故服以騏驪驂以騏驪淮南子曰驂欲馳服  
欲步宣王之詩北伐舉四驪南征舉四騏者言方是時  
馬政愈修其所以執駒綱馬教驂攻特臧僕講馭夫之  
法滋廣故雖騏亦閑習任爲用非獨四驪也○孔疏此  
章言戎馬戎馬貴多力故云伾伾有力林氏有席曰以

上八種。以毛色分。

驪

毛傳

青驪驪曰驪

釋畜同

孫炎云色有淺深似魚鱗郭

注色有深淺斑駁隱鄰今之連錢驄也說文青驪白驪

馬文如鼉魚徐鍇曰据史記匈奴之奇畜也案毛傳爾

雅驪字上俱無白字與說文小異○韓詩驪白馬黑鬣

也見三家拾遺

駱

毛傳

白馬黑鬣駱

釋畜同

孔疏髦卽是鬣馬之駿也邢

疏鬣鬣也白馬黑鬣者名駱白馬說文白馬黑鬣尾○

廣雅朱鬣爲駱埤雅今呼黃馬尾鬣一道通黑如界者

爲駱蓋馬無分於黃白皆謂之駱若今衣脊絡縫故曰

絡也。明堂位曰：夏后氏駱馬，黑鬣。此以別白馬。朱鬣之駱也。月令曰：孟秋駕白駱。此以別黃馬。黑鬣之駱也。古者天子之卿純駟。故詩曰：駕彼四駱。又曰：乘其四駱。若諸侯之卿，則不能純駟矣。詩曰：駕我騏驎。蓋言秦之士也。又曰：騏驎是中。駟驪是驂。蓋言秦之卿也。詩緝：駱馬耐勞苦。四牡云：嘽嘽駱馬。今以勞之故，猶嘽嘽喘息。人勞可知矣。名物解：白馬黑鬣爲子勝母。故从各。

駟

毛傳：赤身黑鬣曰駟。孔疏：駟爲赤色，卽今之駟馬也。若身鬣俱赤，則駢馬矣。詩云：騏駟是中。六書故：月令夏駕赤駟，亦與赤身之說合。然中央土則駕黃駟，又不可。

曉亦作騮爾雅翼中央寓於季夏故所用物同而以色爲淺深之別也。說文赤馬黑毛尾名物解赤馬黑鬣赤黑配也以赤配黑爲得其匹留而不行。

雒

毛傳黑身白鬣曰雒孔疏騮雒爾雅無文。定本集注

及徐音皆作駱俗本多作駁爾雅有騮白駁不應傳與徐異且樊光孫炎於騮白駁下乃引易乾爲駁馬引東山皇駁其馬皆不引此文明此非駁也其字定當爲雒。但不知黑身白鬣何所出耳趙氏佑曰雒本鳥名卽釋鳥之鵠鳥鷦豈以馬有相似而名亦如二目白魚之類歟然鄭孔弗深考後學無從臆斷耳案駱上文已見不



應復見。故孔疏亦不從定本。以爲定當作雒也。○孔疏此章言田馬田獵當疾。故云繹繹善走。名物解。黑馬白鬣爲母勝子。乖異之道。故與駱皆从各。母從子者也。勝爲上逆。故又从佳。

駟

毛傳陰白雜毛曰駟

釋音同

郭注陰淺黑。今之泥驄。邢

疏毛淺黑而白兼雜毛者名駟。孔疏或云目下白。或云白陰皆非也。璞以陰白之文與驪白黃白蒼白彤白相類。故知陰是色名。非目下白與白陰也。埤雅皇華詩曰維駒而駟。駱駟繼之。其先後與駟之序合。然則駟不如駱。駱不如駟矣。詩卒言駟者。以明馬雖彌劣。所以御之。

滋善也。名物解馬火畜也。陰白蒙之有因之義。因猶姻也。

駮

毛傳形白雜毛曰駮

釋畜同

郭注卽今之赭白馬形赤

說文馬赤白雜毛似鰕魚也。

驪

毛傳豪骿曰驪

音孔

疏驪爾雅無文。說文骿骿也。郭

璞云骿脚脰然則骿者膝下之名。謂毫毛在骿而白長。

○說文驪馬黃腰讀若簞

魚

毛傳二目白曰魚

釋畜同

釋畜一目白瞶音開二目白魚

郭注似魚目也。其目小而多白。馬之易驚者埤雅魚今之環眼馬。馬之最下者也。言有驪有黃於前言有驪有

魚於後。每章愈下。蓋言僖公至誠成物。有加而無已。莊  
子云。百里奚爵祿不入於心。故飯牛而牛肥。思無邪。思  
馬斯徂。殆此之謂也。名物解曰。思馬斯臧。良馬也。故曰  
臧。思馬斯才。戎馬也。故曰才。臧者言其德。才者言其用。  
陳於禮者。尚德。用於戰者。尚才。曰馬曰作者。習其動作  
之節而已矣。思馬斯徂。駕馬也。故曰徂。姑足以行而已  
矣。駕馬馬之下者。故其類亦下。豪彘曰驪。尚取於良。二  
目白曰魚。則目病也。故曰彌下。○孔疏。此章言駕馬主  
給官中之役。貴其肥壯。故云祛祛。強健也。埤雅。周禮校  
人。邦國六閑馬。四種家。四閑馬。二種。蓋諸侯有良馬戎。

馬而無齊道大夫有田馬駑馬而無種戎伯樂云良馬  
可以形容筋骨相也天下之馬若滅若沒若亡若失良  
馬卽國馬也故駟頌以爲諸侯有良馬戎馬田馬駑馬  
變種曰良者以此也歟庾人曰八尺以上爲龍此種馬  
也豈所謂天下之馬者耶蓋馬八尺以上則疑於龍矣  
故謂之龍坤之上六稱龍與此同義○林氏有席曰已  
上八種或以鬣分或以毛分或以目分凡十六種而駑  
皇驪黃爲良馬騅駟騂騊爲戎馬騂駟騂騊爲田馬駑  
駑鰓魚爲駑馬

有駑

駟

毛傳

青驪曰駟

釋畜

孫炎曰色青黑之間青色黑毛

相雜者名駟郭注駟今之鐵驄毛傳駟馬肥強貌說文馬飽也名物解馬火畜也以青爲所生以黑爲所麗段氏玉裁曰謂深黑色而戴青色也

泮水

芹

埤雅芹取有香藻取有文茹取有味蓋士之於學也

攬其芳臭而至則采芹之譬也既至而學文則采藻之譬也及其久知道之味又嗜而學焉則采茹之譬也餘詳采菽

藻

解見采蘋

茆

毛傳鳧葵也詩緝茆

音

蕁也醢人朝事之豆有茆菹

鄭注讀作茅玉篇音柳陸疏茆與苳菜相似葉大如手赤圓有肥者著手中滑不得停莖大如匕柄葉可生食又可嚮滑美江南人謂之蕁菜或謂之水葵諸波澤水中皆有埤雅茆蕁也葉如苳菜而紫莖大如箸柔滑可羹齊民要術云蕁性易生種以深淺爲候水深則莖肥而葉少水淺則莖瘦而葉多逐水而性滑故謂之苳菜張邦基墨莊漫錄曰杜子美祭房相國九月用茶藕蕁鯽之蕁蕁生於春至秋則不可食不知何謂而晉張翰亦以秋風動而思菰菜蕁羹鱸膾鱸固秋物而蕁不可

曉案本草萑味甘三月至八月名絲萑霜降已後至十月名塊萑味甘澀取以爲羹猶勝雜菜據此則秋風時萑菜已美張邦基謂至秋不可食或所見不同也茹杜子春讀爲卯說文力見切以泮宮詩讀之說文音爲叶徐氏鼎曰茹萑菜亦謂之淳菜若干寶云今之鰓蹠草非是

飛鵀 陸疏鵀大如斑鳩綠色惡聲之鳥也入人家凶賈誼所賦鵀鳥是也其肉甚美可爲羹臠又可爲炙漢供御物各隨其時惟鵀冬夏常施之以其美故也爾雅疏此段在爲巢爲鷓疏今从趙本

桑黽

毛傳

亦作甚音甚

桑實也

元龜

毛傳元龜尺二寸孔疏漢食貨志龜不盈尺不得

爲寶

象

說文象長鼻牙南越之大獸三歲一乳嶺表錄異象

肉有二十種胆不附肝隨月轉在諸肉楚越之間象皆青黑惟西方弗林大食多白象雲南豪族多畜象負重致遠若中國之牛馬沈懷遠南越志象牙長丈餘脫其牙則深藏之削木代之可不爾窮其土得乃已埤雅其所食物皆以鼻取蓋其牙生花必因雷聲故古者以爲器飾左傳云象有齒以焚其身賄也餘詳君子偕老



及采薇

閼宮

重穆 詩緝重穆亦作種稔孔疏天官內宰鄭司農注云  
先種後熟謂之種後種先熟謂之稔

種稔 毛傳先種曰種後種曰稔孔疏當謂先種先熟後  
種後熟但傳畧不言其熟耳重穆種稔生熟早晚之異  
稱耳非穀名也七月傳云後熟曰重先熟曰稔

白牡騂剛 毛傳白牡周公牲也騂剛魯公牲也孔疏文  
十三年公羊傳云魯祭周公何以爲牲周公用白牡魯  
公用騂牝羣公不毛何休云白牡殷牲也周公死有王

禮嫌不敢與文武同也魯公諸侯不嫌也故從周制說  
文云牝特也白牡謂白特騂剛謂赤特也何氏楷曰剛  
通作牝王氏夫之謂牝以牛脊言之紀氏昀以爲然○  
春秋繁露曰魯祭周公用白牡色白貴純也帝牛必在  
滌三月牡貴肥潔而不貴其大也武帝使張湯問曰周  
天子用騂剛羣臣不毛周公諸公也何以得用純牲仲  
舒對曰周公繼文武之業成二聖之功德漸天地澤及  
四海故使祭之以白牡上不與同色下有異於諸侯臣  
以爲報德之禮臣湯問天子祭天地諸侯祭土魯緣何  
以祭郊臣仲舒曰周公傳成王成王遂及於聖功莫大

於此周公聖人也有合於天道成王令魯郊也臣湯問  
魯祭周公用白牡其郊何用臣仲舒曰魯郊用純騂周  
色尙赤魯以天子命郊故以騂范氏家相曰江都以爲  
白牡尙純用以祭周公騂剛尙赤魯郊同於天子分白  
牡騂剛爲二義亦可通至於魯之郊爲成王所賜則後  
儒多辨其不然蓋明堂位之文實出漢初諸儒之手遂  
爲莽歆所藉口耳

商頌

元鳥

元鳥 李氏曰燕也其色黑故謂之元鳥魯詩司馬遷曰

簡狄行浴見元鳥墮其卵取吞之因孕生契劉向曰簡狄與姊妹浴於元邱之水有元鳥銜卵過而墮之五色甚好簡狄得而吞之遂孕生契鄭箋降下也天使鳥下生商者謂鳥遺卵城氏之女簡狄吞之而生契爲堯司徒有功封商堯知其後將興又錫其姓焉自契至湯八遷始居亳之殷地而受命范氏家相曰屈原天問云簡狄在臺嚳何宜元鳥至貽女何喜則吞卵生商之說自春秋之後有之緯書中候契握云元鳥遺卵流娥簡狄吞之生契封商鄭氏據以解經遂成千古疑義竊謂稷契皆無人道而生何以稷棄而契不棄乎蓋姜嫄簡狄

同爲帝妃履跡吞卵事或有之不過聖人降生之徵履  
迹吞卵之後進御於轡因而有娠理之至常豈無入道  
而生者若稷之被棄自因生而不育形狀有異之故耳  
日知錄曰讀經傳之文終商之世無言祥瑞者而大戊  
之祥桑高宗之雉雉惕於天之見妖而修德者有二焉  
則知監於夏王之矯誣上天而慄慄危懼蓋湯之家法  
也簡狄吞卵而生契不亦矯誣之甚乎毛傳元鳥鳳也  
春分元鳥降湯之先祖有娥氏女簡狄配高辛氏帝帝  
率與之祈於郊禱而生契故本其爲天所命以元鳥至  
而生焉可以破史遷之謬矣姜氏炳璋曰方氏苞力辨

上。古。無。郊。禘。之。祀。非。獨。吞。卵。之。誣。卽。祀。郊。禘。亦。非。其。宮。  
蓋。聖。人。誕。生。豈。必。符。瑞。何。至。稷。契。皆。以。郊。禘。稷。以。巨。冰。  
契。又。以。鳧。卵。也。詩。只。言。天。命。生。商。正。元。鳥。降。之。時。降。者。  
鳥。之。高。飛。從。上。而。下。非。天。降。之。也。

### 長發

駿。厖。黃。氏。曰。抄。曰。董。氏。謂。齊。詩。作。駿。驪。驪。謂。馬。也。晦。庵。  
取。其。說。蓋。上。章。云。爲。下。國。綴。旒。喻。也。爲。其。係。屬。下。國。之。  
心。也。此。章。云。爲。下。國。駿。厖。亦。喻。也。爲。其。負。載。下。國。之。任。  
也。若。謂。馬。非。所。以。爲。喻。則。旒。旒。亦。何。足。爲。喻。螽。斯。可。以。  
喻。后。妃。鴻。飛。可。以。喻。周。公。詩。人。託。物。取。義。固。不。嫌。其。微。

也若古說駿大也厯厚也是曰爲下國大厚於文義旣  
不順於前章爲下國綴旒語例亦不符

詩緒餘錄卷八終

受業葉應陽校字